

黃堯圃先生年譜

黃蕘圃先生年譜卷下

元和江標輯

十四年己巳四十七歲

得朱竹垞所藏宋本輿地廣記

記波寺街金文通第有古標按藤陰雜記海

藤書屋康熙丙辰竹垞自禁垣移居查他山詩整娒牙籤萬卷餘誰言家其少於車僦居會好春明宅好借君家善本書

春重雕宋初刊本輿地廣記始

原刻書緣起標按先生緣起中有云鄧陽胡

果泉先生典藩吳郡敷政之餘畱心選學聞吳下有藏尤槩者有人以余對遂向寒齋以百金借鈔蓋酬余損裝之費而實助余刻書之費用取所藏宋刻輿地廣記刊之云云

以二番餅得舊鈔東萊先生詩律武庫三十卷

記

得殘宋本詩經傳箋附釋文

原跋

春游杭州登城隍山於坊間又得宣和遺事遂校付刊

原敘

正月下澣二日向陳仲魚借吳槎客所藏殘元本陳眾

仲文集校補辛酉年竹汀先生所贈本闕失處再跋記

正月二十八日跋新從錢塘何夢華以五十一番紙亦五十

一粟也得元本樂府新編陽春白雪十卷記

正月晦日重裝鈔補金刻中州集畢五跋之同日又跋

毛鈔本中州樂府記

二月望日四跋影宋鈔本輿地廣記中春下澣七日五

跋清明後一日六跋記

三月跋新得二十五卷本栢欄集四月晦日游杭歸見

貝簡香鈔本再跋於刻本後記

春三月游武林得明本太平樂府下旬六日爲先生歸

舟第二日跋之

記

三月廿九日手鈔舊鈔青城山人集畢跋之

記

立夏前一日得明本南峯樂府跋之

記

四月二日鈔舊鈔本普濟方十卷畢跋之

記

四月六日跋明成化本長安志

記

初夏將屆小滿以番餅十七元得元刊本傷寒百證歌

五卷發微論二卷跋之

記

四月小滿前二日三跋北宋本史載之方

記

仲夏中澣十日跋新收舊鈔本敬所小橐

記

六月望後一日跋何夢華所贈影元本論語叢說

記

七月十日從蘇城大觀貢品局見宏治本紹興同年小

錄標按先生跋中云嘉慶己巳恭遇今上五旬萬壽各省大僚虔備貢品書籍文玩亦在購備之列吾

吳為江南會垣珍物雨集城中特開貢局景慶始開校於前大觀繼開於後大觀局為特門彭宋兩家所開

於舊鈔本并跋記

七月十有一日跋新得明成化本勿軒集記

仲秋月跋新得金刻本李賀歌詩編四卷記

仲秋月跋新得宋刻本陶靖節先生詩注四卷記

中秋十有三日訪陳仲魚得鈔本青樓集攜歸屬內姪

丁竹浯傳錄十月初旬取向藏舊鈔本校之并跋按潘

榕皋三松堂續集有為先生題人間希見書二詩一題

青樓集題下自注云元至元庚子四月既望雪蓑釣隱

誌蕘圖云雪蓑釣隱雲間

夏伯和也先生原跋未載

中秋前五日晨起書友吳立方攜鈔本王子安集來以

家刻零種易之并跋記續

重陽日張訥庵爲先生跋校元舊鈔本國朝名臣事略

記

仲冬十有四日訪唐公張涵齋學士於葑溪歸跋校舊

鈔三卷本鵠冠子記當在此跋之前尚有二跋不知年月觀其詞意

舊階於今茲將道藏諸本悉歸芸臺中丞而外間無有藏道藏者壽階初秋得疾於杭八月初歸卽去世後口

已百  
日矣

仲冬二十四從坊間取五硯樓遺書鈔本太平樂府九

卷歸對元刻多卷首鄧敘二十五日跋之記續按先生又跋家藏

舊鈔本後云五硯樓書坊人以青蚨二百四十餘金捆載而去

冬至後二日跋所得明孺守居士鈔汗簡三卷目錄敘

略一卷

記

仲冬二十有八日跋鈔本鄭桐庵筆記

記 標按照代名人尺牘小傳

鄭敷教字士敬號桐庵長洲人明崇禎庚午舉人

季冬十有一日跋鈔本淳祐臨安志并錄和陳仲魚吳

槎客題宋本臨安志二律于上

記

冬新葺陶陶室貯宋刻兩陶集

記 標按桐鄉金錫爵新序跋嘉慶庚午借居

陶陶室先生先後得二宋本陶集取名其室 惕夫未定稟卷七有黃蕘圃陶陶室記略曰同年黃蕘圃得虞山毛氏藏北宋本陶詩繼又得南宋本湯氏注陶詩不勝喜名其居曰陶陶室飲余酒屬余爲記余未及爲也後二年又得南宋本施顧兩家注東坡和陶詩于是復飲蕘圃家而卒爲之記

十五年庚午四十八歲

以舊藏宋本魚元機集明本薛濤詩宋鈔楊太后宮詞

借刊於松江沈綺雲古倪園

沈刊唐宋婦人集後本記標按綺雲名恕淵雅堂

文續編題紹熙雲間志云華亭沈生恕時來過余每至必盤桓信宿生雅好收書會吾鄉袁君廷壽家遺書大

出先後得其數十種以去

正月蘇州守王坦園

秦

得況太守辟疆館記石刻屬王

鐵夫及先生攷定之先生作前後二辨以正其僞

葉廷琯吹

綱錄

二月七日三跋已未年所得宋本聖宋文選

記

夏跋宋本東南取進輿地通鑑

莫友芝宋元本書經眼錄卷一

夏至後一日以鈔本馬令南唐書過臨馮已蒼校本并

跋

記標按海虞詩苑小傳馮文學舒字已蒼號默庵嗣宗先生長子也



五月爲五硯主人後人檢理書籍得殘宋本后山詩注

一卷跋之

記標按先生原跋曰五研主人謂家有殘宋本幾種當贈子忽忽未果主人已作古矣

其孤余瑁也

顧千里月下笛詞過袁壽階舊居有感

曰試問樓中身前肯信破家如此又曰魂歸白晝常聞

哭想只戀青箱

未死怪鄰翁指點牆頭錯歎箇人無子

漢學師承記

袁廷禧著書甚多皆未編輯其子推魯

不能讀父書所有

囊本散失無存矣

四月用白金五兩四錢得殘宋刻本孟東野集越八日

爲端午芒種節展讀跋之

是日庚午年壬午月戊午日

戊午時

續記

五月初九日跋新校宋舊鈔本詩律武庫乃新以六元

得宋刻本手校之也

記

夏五月十有一日夜至玉峯於吳氏見殘宋刻本放翁

先生劍南詩藁十八卷口占二絕

續記

五月一日跋新校五硯樓舊藏明鈔本劉子新論十三

日又跋

記

五月十九日再跋丁巳年所得明刊本捫蝨新話

記

五月廿有六日從城南衛前得舊鈔本楊太后宮詞跋

之

記續按跋云是日  
叔子三癸生七歲

六月跋鮑淥飲手校嘉靖年伍光忠刊江淮異人錄

記

七月爲陳竹汀跋宋本蘆川詞

記

八月陳曼生爲先生題記元機詩思圖冊圖爲周雲巖

笠

所摹係從吳江陸蘭堂

英

所畫十二女史圖中之本

冊原

八月跋宋本丁卯集續記

八月朔日跋宋刻鈔補本監本纂圖重言重意互注毛

詩時新從陳仲魚借得宋刻全部補鈔始畢也毛詩原跋標

按此書已不可得原跋一紙舊藏趙靜涵表兄家

中秋跋殘宋刻本放翁劍南詩藁并錄前作二絕於卷

首記續按先生再跋是書不載月日玩之亦是此時

冬又跋校宋本新序記

十一月嘉興金轡庭錫爵借居先生之陶陶室先生出

示宋槧諸書轡庭為先生跋宋本新序記標按金原跋云陶陶室先

後得二宋本陶集取名其室

十二月二日三跋殘宋刻本孟東野集記續按此跋前有一跋不載

年  
月

季冬五日與金轡庭對校宋本新敘卽三跋於宋本新

敘後

記 標按原跋云轡庭先後來吳中而皆獲至精之書以去可謂識寶者而余訂交如轡庭談書

又得一良友寒齋數日之聚百宋一廬之中添一段佳話他日攤書對讀圖成豈異長毋相忘冊耶按原注云

此五硯

樓事

歲暮重裝五月中所得后山詩註畢跋之

記

十六年辛未四十九歲

二月先生偕石琢堂廉訪同游西泠宿松顛閣時寒石

長老猶主理安寺方丈不久將退院歸吳門

吾與彙編

中春二十有二日錢唐陳曼生雲伯兄弟往訪先生先

生出元本樂府陽春白雪示雲伯定爲柳如是校本再

跋之記

三月初游嘉禾遇鮑淥飲先生於雙溪橋下淥飲以家

鈔古逸民先生集一卷附錄一卷贈先生先生跋記記

三月廿有四日以三元得金孝章手鈔詩彙跋之記

四月二日跋舊刻本崔豹古今注三卷續記

四月又四日新得王西泚家藏中吳記聞校臨陳白陽

手校本畢跋記標按此跋增記云西泚卽西莊王鳴

亥記又按白陽名亨字道復吳人  
家郡之姓湖畫家所稱白陽先生也

五月見呂無黨鈔本柈欄集以價貴未得三跋於己巳

年所得明本後記標按呂無黨葆中石門人呂晚

五月二十日放舟西山至支硎山下吾與庵訪寒石大

師時師新自理安歸吳先生此次游山紀事唱和各詩

曾刻有春游雜詠

吾與彙編

仲夏見述古堂藏鈔本契丹國志下冊屬西賓陸東蘿

鈔補元刻之缺小暑後一日雨窗跋

記

六月先生患病一月餘始就痊同人咸來視疾賦詩謝

之

吾與彙編

辛未秋日近校錢述古本武林舊事取鈔本相勘跋鈔

本後

續記

初秋跋明活字本曹子建集

續記

七月中元前二日校鈔本硯箋畢跋

記

八月秋分前一日同石琢堂表兄宿吾與庵澄公邀往

華山看桂歸至白雲泉有詩四首

吾與彙編 又獨學 廬三彙有步韻三首

九月七日先生偕其女夫袁仲和入山借宿吾與庵連

日爲其尊人壽階先生度地營葬

吾與彙編

九月十日再跋嘉靖本長安志

記

暮秋新得毛子晉跋手編清塞詩集二卷本二跋於戊

辰年校本後并跋毛本後

記 標按暮秋或作小春二十日

冬陸拙生爲先生重錄錢遵王舊鈔本朱校于鈔本武

林舊事上并跋之

記

初冬跋己巳年所得殘宋本毛詩傳箋越月旣望後一

日裝成

原跋 披原跋有云裝成原收及裝演鈔補之費共計百金 又云頃得一小字本大同而小

異

十二月二十五日跋新得明活字本小字錄

十月二十六日重裝新得校鈔本藏春詩集畢書三冊  
值三元

跋記

仲冬再跋鈔本武林舊事記

冬至後四日校舊鈔本畫鑒畢跋記

季冬月望前一日跋新刊成藏書紀要跋原

大除從五柳居借祕笈武林舊事校所藏鈔本壬申正

月廿一日校訖并跋記 按題跋記續別載一跋與此  
跋同而較詳末題壬申歲初二日

不云某月  
疑有脫文

十七年壬申五十歲

跋新得元刊三十卷本皇元風雅月霄藏書志  
卷三十五



借周香嚴銅活字本開元天寶遺事手校於埭川顧氏

家塾本上

記

校周益公全集畢

記

再跋影宋鈔本輿地廣記

記

春覆勘藏鈔本武林舊事跋之

記

正月下旬六日晨起四跋殘宋本孟東野集

記

正月下澣六日見柳大中手鈔貞居先生詩詞集以舊

鈔本校之一日畢跋於舊鈔本上

記

標按讀書敏求記柳君名僉字大中

別號味茶居士摹寫宋本唐人詩數十種今皆歸述古書庫中

二月二日見王問遠家藏藏春集翌日再跋校鈔本藏

春詩集同日又三跋之

記

二月跋新得舊鈔本湖山野錄

記

仲春小盡日觀張貞居詩藁真蹟出丁巳年所校存悔齋詩相證時先生西賓陸拙生爲佐校讐之役其爲欣賞拙生遠祖爲性夫後人遂屬其書籤

存悔齋詩第四跋標按陸拙

生名奎見鈔本

近事會元跋

春三月取舊鈔本山居新話東園友聞手校元刻于上

并跋

記

春季十有三日再跋元本梅花百詠

記

四月朔跋舊鈔本思陵錄

記

四月借孫淵如藏宋刻小字本劉子新論再校庚午年所跋本上并跋十八日第三次校畢又跋

記

芒種後一日假鈔袁壽階藏胡茨邨鈔本安南志略手

自校畢跋記

記 標按跋中略云余所藏他書亦有胡茨邨印記必是好書之人矣頃見徐昂發

題胡茨邨畫象詩曰金泥小字刻牙籤連屋書囊當畫  
龕盡日細繙黃白本始知間味十分甜可見校書之勤  
見經籍

訪古志

夏五月借試飲堂顧氏舊鈔本硯箋再校鈔本畢跋

記

端午後一日跋校宋本劉子新論

記

五月十一日先生五十壽辰周香巖以殘宋本姚少監

文集五卷爲壽六月十有八日先生跋

記

夏五月二十五日跋新得明刻本開元天寶遺事六月

上旬又跋

記

季夏重刻宋本輿地廣記成記緣起於首

原刻書緣起

夏六月望前一日跋舊鈔本開元天寶遺事記

中元後二日新從顧氏得毛藏鈔本硯箋跋記記此跋

末題書於學耕堂堂即先生所居應亦在縣橋巷

中元後三日見元三十卷本皇元風雅跋記記

九月晦日擬易號知非子是日六跋金刻中州集記

十月五日敘新刊成宋本輿地廣記并增刊校勘札記

成原敘

立冬前一日二跋元鈔宋刻合裝本圖畫見聞志記標按

跋略云與西賓陸拙生同觀時拙生亦自玉峯科試歸而書籍街竟無一獲占書難得數年之間已判盛衰矣

乃指己未年顧澗蘋為先生於玉峯得書事

十月十二日跋新校舊鈔本河南邵氏聞見錄記

仲冬九日見舊鈔茅亭客話補校甲子年校鈔本跋記

仲冬望日陸拙生為先生題金刻李賀歌詩編發標按

陸題云獲諸於讀未見書齋

十八年癸酉五十一歲

以宋小字本毛詩傳箋歸三松堂潘氏跋原

元旦再跋毛藏鈔本硯箋標按跋毛鈔硯箋略云頃五月下旬余世好顧侍萱茂才

出其家藏毛校本硯箋

元夕因新得舊借顧氏試飲堂硯箋復重裝鈔校本硯

箋再跋記

正月二十八日再跋壬申校鈔本聞見錄記

二月從吳枚庵借本校舊鈔本文房四譜畢跋記記

二月初八日跋舊鈔本耆舊續聞又借吳枚庵本校之

再跋記

二月二十九日以乙丑年所得舊鈔毘陵集借同郡吳

枚庵所藏遵王手校舊鈔本勘之是日畢跋記

三月初四日檢得戊午年所得舊鈔葛公歸愚集三跋

之記

暮春廿有五日從周香嚴借錢蒙叟本校舊鈔本文房

四譜畢再跋廿有六日三跋記

春暮吳枚庵借先生校舊鈔本蜀檮杌記

春三月二十有一日再跋舊刻本崔豹古今注續記

三月晦日跋新從吳枚庵得鈔校本文房四譜

記

三月晦日得汲古閣舊鈔本李羣玉方干詩集

記

四月立夏前三日手過丁卯年所校舊鈔本蜀檮杌吳

枚庵補校夾籤并跋

記

四月初三日二跋壬戌年所得永嘉四靈詩因新得毛

鈔影宋九僧詩也

記

四月十四日見宋刻嘉祐集十五卷四冊卽傳是樓所

藏者購得之十八日跋後越日又跋

宋刻嘉祐集原跋

五月廿三日跋補校鈔本東國史略

記

五月二十六日四跋劉子新論又三跋丙寅年所得舊

鈔本稽康集

標按先生劉子跋云三男生有一載矣能讀父書者賴此子又稽康集跋云是書余

川別本手校副本備闕於丁卯歲爲舊時  
西賓顧某借去久假不歸殊爲可惜云云

五月小晦日校明影宋鈔本元英先生詩集畢跋記

立秋後十日下午弦跋新得吳稷堂家宋本毛詩傳箋跋原

六月三十日陸拙生奎爲先生重鈔吳鈔本近事會元

五卷畢并跋先生亦跋之續記

秋日石琢堂與先生遊西山有和韻五古八首獨學廬三集

初秋再跋乙丑年所得舊鈔本稽神錄記

七月初四伏日跋新得舊鈔本日湖漁唱記

中元前一日得舊鈔本塵史三跋於甲子年跋本後記

中元後三日跋新得舊鈔本塵史三卷後續記

七月晦日題詩一律於毛藏舊鈔本硯箋之後并三跋



之記

中秋前三日再跋舊鈔本歷史後

續記

中秋後八日於王月軒家得見郭天錫手錄圖畫見聞

志殘本

標按原跋云王震兄攜來不知字某某也

中秋後八日見元刻劉須溪評點王右丞詩借歸與舊

藏宋刻本校之即跋於宋本之後

記

七月二十有六日跋新校宋本春渚紀聞

共三跋

九月十

七日復校之再跋

記

仲冬二十有四日見張青芝手鈔劉祁歸潛志八卷本

與舊藏本對校又見後六卷本亦校之至十一月二十

七日畢跋記於青瑣高議第二冊卷九前

記

冬季得元刻東光張預輯十七史百將傳殘本

記

除夕前二日跋新校鈔本青瑣高議後集

記

十九年甲戌五十二歲

刊儀禮鄭注始

原書敘

正月七跋影宋鈔本輿地廣記

記

正月五日以家刻國策十部易舊鈔本新編翰林珠玉

六卷跋記

記

仲春再跋元板宋朝南渡十將傳

記

仲春三跋庚午年得殘宋刻本放翁劍南詩藁

續記

仲春望後三日春寒奇甚兩跋校鈔本紹興同年小錄

記

閏春再跋鈔本近事會元

續記

閏二月一日跋殘蜀大字本周禮

記

閏二月二日四跋宋本聖宋文選

記

閏月跋校新鈔青瑣高議集孟夏又見舊鈔別集覆校

之再跋

記

閏二月十九日收得明刻本張光弼集三跋辛酉年所

得舊鈔本

記

夏初再跋甲子年所得校舊鈔本尹河南集

記

四月跋新得明刊十卷本戴石屏集卽以丁卯年所得

本歸他人

記

端陽前一日以千錢得舊鈔金孝章校本范德機詩集

初十日以毛刻校畢又跋六月六日三跋

記

端午夏至日以番錢十六餅購得郭天錫手書圖畫見

聞志殘本三跋於元鈔宋刊配本後

記 標按郭天錫元人所著客杭日

記刻入知不足齋叢書 原冊歸高陽師

六月見顧竹君家舊鈔本周賀詩集再校於戊辰年校

本上并跋十二日見顧竹君家張蠨集借校畢跋記并

題五律一首

記 標按跋略云聞顧竹君家遺書散出有舊鈔唐人小集數十種在友人處

六月六日跋新得陸東蘿所贈宋刊浣花集

記

六月十日以番餅一圓半得舊鈔寶晉英光集六卷借

吳枚庵本校之畢跋記

記

六月十有一日爲陳仲遵跋舊鈔殘本麟臺故事

記

秋再跋甲子年校本春秋繁露

記

秋借張訥庵藏祕冊彙函本用舊鈔本校于上

記按先生跋

訥庵藏本無年月當是校畢時跋之

秋白露後一日跋新得舊鈔本緯略十二卷

記

中秋後一日爲張訥庵跋鈔校本雁門集

記標按張訥庵名紹仁

長洲人所居在喬司空巷見士禮居跋四卷屢與先生往還皆見跋語中曾云校書心到眼到手到在朋友中無出其右云云瞿氏鐵琴銅劍樓書目記東坡全集有吳郡張紹仁學官藏書朱記

九月再校舊鈔本硯箋畢跋

記

重陽日跋新校宋本道德真經指歸

記

重陽後跋舊鈔本慶湖遺老詩集蓋此集本陳仲魚所贈祇半部先生適於張訥庵處見半部攜歸證之竟爲

延平之合遂卽贈訓庵并索仲魚跋之

記

九月十九日先生爲長孫秉剛

美鑒

授室潘氏

硯箋跋

越

一日從五柳陶君見舊鈔本硯箋手校於自藏舊鈔本  
上跋中略曰日來避囂移榻書齋晨昏起坐校勘尤便  
復翁書於陶陶室之北窗并題一絕曰半是書房半臥  
房晨昏作伴有青箱閒來磨墨親揮翰一硯隨身友最  
良

記

九月廿有三日跋新得舊鈔節錄本蘆浦筆記楊公筆  
錄十月初九二跋十月十日取舊藏穴硯齋寫本校之  
三跋

記

九月三十日跋新校舊鈔本邵氏聞見後錄

記

冬孟以五代史補用舊鈔本校畢跋記

初冬新收舊鈔唐皇里先生文集以缺第二十卷從周

香嚴處借得成化時崑山嚴景和覆本手鈔補之十月

十一日畢跋記望後二日二跋二十日三跋記

十月七日跋校鈔本聞見後錄記

十月初九於元妙觀前學山堂書坊見亡友顧抱沖手

閱汪文盛漢書鈔本蘆浦筆記跋 標按跋 中云抱沖之歿在丁巳年

十月初九日再跋校舊鈔本邵氏聞見後錄以曹秋岳

本異處校于上也記

十一月二十九日見傳是樓黑格鈔本五代春秋借校

之畢跋於校本後記

十二月五跋校宋本春渚紀聞

記

十二月以吳枚庵手校舊鈔本春渚紀聞歸西畝草堂

陳氏

記

大除夕得怡顏堂鈔本建炎時政記三卷又海虞楊五

川鈔本珩璜新論三卷

記

標按龔三本松窗快筆楊儀字夢羽嘉靖丙戌進士罷官

構萬卷樓兩楹擁圖書自娛

二十年乙亥五十三歲

標按先生是年重跋老學庵筆記云嘉慶乙亥重閱此已越廿年計跋此尙在昭明巷老屋今一再遷徙家中人唯老妻猶是舊有者長婦及幼兒幼女三孫皆後添矣長兒已亡長女次女已嫁時事變遷可感也夫

原跋



是年刊梅花喜神譜拜經樓題跋增錄

石琢堂為先生題畫梅卷七古一首獨學廬四稿

春宋嚴州本儀禮經注刊成敘記儀禮刊本原敘

正月五日屬陳拙安鐫一陽更生印是日得舊鈔本洞

天清錄假吳枚庵藏本校畢跋記

正月以陳仲遵所藏知不足齋鈔本建炎時政記校所

得怡顏堂鈔本十日跋記標按先生跋中曾云西

亦頗嗜書鐵琴銅劍樓書目祖徠文集卷首有平江

陳氏西酌藏書陳遵印朱記又按仁和魏錫曾續語

堂題跋云吳門陳君葦汀名尊字復初舊本書往往有

其題字藏印其書法做藍田畫近錢松壺改七薌所輯

西酌寓目編手寫未刻白署南

湖花隱蓋蘇之博雅好古士也

正月八日以李子仙所藏竹垞翁跋桂林風土記取張

青芝鈔本校之元夕前一日跋上元後三日雨中訪吳

校庵於歸雲舫又借手鈔本校一過再跋

記 標按李  
子仙名福

正月二十日陳仲遵還先生校舊鈔本毘陵集先生再

跋

記

二月花朝日得李鑑明古家舊藏本李正已集取舊藏

明鈔本勘之是日因期石琢堂同宿吾與庵晨買小舟

卽携此于舟中校之路經閭門順道訪段懋堂周香嚴

抵西津橋校始畢跋記是晚宿庵中用集中同苗員外

宿薦福寺韻賦詩紀事并邀琢堂同作詩爲五律一首

卽錄校鈔本後

記

二月十四日跋舊鈔本中州啟劄

記

二月望後一日得李明古家校本宏秀集以癸亥所得

殘宋本校于上四跋殘宋本後

續記

二月望後二日跋校本唐僧宏秀集

記

二月二十九日跋吳枚庵新贈鈔本石林居士建康集

記

花朝得李明古家藏鈔本中吳紀聞即歸張訥庵又得

汪水雲詩鈔越二十日再跋於丁卯六月所得本後

記

初夏以新見舊鈔兩卷本耆舊續聞校於癸酉校本上

并跋

記

夏跋新過臨張訥庵校本酉陽雜俎前集

記

四月十八日再跋校本中吳紀聞後

記

四月八日用新收影宋本老學庵筆記校丙辰所校本  
前五卷再跋於舊校本後以新收舊校二本借與張訢  
庵五月初一日抵暮還書翌日錄訢庵代補校夾簽字  
於舊校上方再跋之

老學庵筆記  
校本原跋

夏五月得長洲顧氏藏宋本校刊崔豹古今注取家藏  
舊刻本勘之并三跋四跋舊刻本上

記續

夏五錄讀書敏求記一則於鈔本近事會元卷首

記續

五月二日跋校本陸游南唐書

記

五日吳枚庵借先生校宋本說苑有題記

記

端午後一日三跋鈔本近事會元

記續

夏仲跋新得穴研齋鈔本何博士備論

記

標按原跋  
略云余得穴研

齊鈔本書共十餘冊不知誰何并所鈔時代先後惟  
陸游南唐書爲虞山錢遵王藏書則在遵王先矣

端陽後十日因新從元妙觀東冷灘獲祕冊彙函本大  
唐創業起居注重用舊鈔本校于上畢跋之記

五月十有九日偕前歸張訥庵鈔本中吳紀聞以辛未  
年過臨本校之三跋於校本之後記

季夏八日跋鈔本鐵崖賦彙記

新秋得殘岳本周禮地春二官手校於嘉靖本上復以  
殘蜀大字本秋官校補之記

七月二十一日跋鈔本玉山倡和玉山遺什并屬吳枚

庵題簽記

七月小盡日新得舊鈔本玄珠密語跋之續記

中秋前八日重裝舊鈔本玄珠密語成次日適錢塘何

夢華至出示此書先生遂再跋之

記續 按跋載嘉慶乙未中秋嘉慶無乙

未年當乙

亥之謬

秋杪裝甲戌所得舊鈔甫里先生文集畢再跋

記

冬以元本東京夢華錄歸汪闔源

記 標按先生郡齋讀書志敘云闔源英

年力學讀其尊甫厚齋先生所藏四部之書以為猶是尋常習見之本必廣搜宋元舊刻以及四庫未采者於

是厚價收書不三年藏弃日富

冬二十有五再跋殘蜀大字本周禮

記

季冬以宋景祐本漢書歸汪厚齋跋記於書後

記 標按厚齋

先生名文琛與阮文達有連文達曾為之撰墓誌銘

歲除以宋本東萊先生詩律武庫歸藝芸書舍

記

二十一年丙子五十四歲

跋明刻本夢溪筆譚

記

汪本隸釋刊誤刊成

原書集首記 標按刻本後題吳縣陸損之書男壽鳳孫美鎬校字

沈良玉刻

正月初三日再跋校宋舊鈔本東京夢華錄又跋校鈔

本詩律武庫

記

上元重錄壬戌年戴石屏集跋於甲戌年所得本後

記

二月覆刻宋拓本溫虞恭公碑從先生孫美鏐請也

美鏐

原跋 按此石刻今藏同郡沈子良同年繼驥家

仲春六日三跋宋本嘉祐集

跋原

仲春重裝金刻本張子和醫書成越日展觀是爲上已

前二日跋記

夏日見明高瑞南刻外科祕方又跋舊鈔本玄珠密語

後以舊鈔有古杭高氏藏書印也

記

四月朔補校辛酉年舊鈔本淮南子蓋新得宋本也

記

長夏無事取所有子書次第校勘

記

五月二十二日跋新校宋本列子

記

初伏第四日三跋校宋舊鈔本東京夢華錄越日以宏

治甲子刊本手校其異於別紙并四跋之

記

六月下弦以壬戌年校道藏本韓非子再以宋本校之

畢跋記

記

季夏二十八日以海鹽黃椒升所贈宋本魏鶴山渠陽



詩集重裝於宋本鶴山集後跋記

記標按先生跋語中有云椒升余二十

年前友也頗藏書最喜金石好蓄古印兼精篆刻嘗往來吳門從潛學老人游每至必攜古書相質證余時或得之後爲小官於閩中又按椒升名錫蕃

六月二十八日作五言長古哭吾與庵天台澄谷大師

吾與  
彙編

閏六月收得道藏本黃帝八十一難經句解內有缺葉

送託穹隆道士向元妙觀借藏本補鈔

記

閏六月十四日送澄谷大師龕歸西湖理安寺下榻松

顛閣中慨想舊遊乞王椒畦典簿繪圖有詩紀事

吾與  
彙編

秋日借元妙觀道藏本穆天子傳補校於乙丑年校本

上記

秋分後一日跋元刻本傷寒直格

記

秋日借張訥庵所收席玉炤所藏舊鈔本劉夢得文集

再取舊藏殘宋刻一至四卷本合校之重陽日校畢跋

後記標按顧千里題清河書畫舫後藏書有常熟派錢遵王毛子晉父子諸公爲極盛至席玉炤而殿

天祿琳琅離騷草木疏有度山席鑑玉照氏收藏朱記

中秋校道藏玄珠密語又跋舊鈔本

續記

季秋跋校宋舊鈔本中興館閣錄九卷續錄一卷

標按此跋無

五月中浣八日從天慶觀借道藏本鳴鶴餘音校舊藏

鈔本卽跋鈔本後十月十一日畢再跋

記

十一月十八日再跋金本張氏醫書

標按此跋無紀年以辭意定爲

丙子之跋

除夕前六日吳虞臣壽暘過吳門訪先生於士禮居中

贈以員嶠真逸一印并呈二律拜經樓藏書題跋記附錄標按朱述之開有

益齋讀書志壽暘字虞臣槎客以宋槧東坡先生授之因自號蘇閣拜經樓藏書題跋記周禮纂圖互注重

言重意宋刻二十卷陳簡莊跋云槎客先生得此書時適生虞臣故其小字曰周官

時先生方校刊周禮鄭注以明董氏本爲主而校以各

本借拜經樓小字京本合勘之拜經樓藏書題跋記附錄吳壽暘贈堯夫先生

詩注標按湖海詩傳小傳吳壽暘字查客海甯人諸生有拜經樓詩集蒲褐山房詩話槎客喜收羅宋元刻

本

二十二年丁丑五十五歲

先生是年得曾孫標按淵雅堂編年詩續集丁丑有戲東黃堯圃同年奉助重孫喜詩句有

云君今五十抱重孫求之近古無其人又曰試嘵已下堪傳研百宋塵書誰滿院又獨學廬四稿有賀黃紹武

表弟

曾孫詩

王惕夫爲先生題祭書第二圖

淵雅堂丁丑編年詩續集

重裝己巳年所得元刊傷寒百證歌傷寒發微論作四

冊又跋

記

檢理書籍跋校舊鈔本傳與礪詩集

記

石琢堂邀先生同題吳巢松編修閒雲出岫圖

獨學廬四稿

先生以元夕詩示石琢堂石依格和之

獨學廬四稿

初夏七跋金本中州集

記

夏跋宋鈔本捫蝨新話

記

四月十七日跋甲戌年所得舊鈔本珩璜新論

記

夏五以己未年所得殘宋本千金方配以元明刊本合

裝之再跋又再跋校宋本卻壩編

記 標按鄧埭編中云仲魚於丁丑年二

月中辭世

秋招王惕夫諸公集學耕堂看菊同坐皆有詩

淵雅堂丁丑編

年詩

續集

孟秋再跋壬戌年影舊鈔本崑山郡志

續記

秋白露前四日三跋丁巳年所得明刊本捫蝨新話

記

仲秋四跋校宋本春渚紀聞

記

重陽日裝宋本管子成跋記越一日以陸敕先原校宋

刻本手勘一過再跋

記

秋以獨學老人石琢堂先生手錄選本分體編次六卷

本船山遺藁刊成題記

原敘

十月先生偕石琢堂廉訪王椒畦孝廉張葑塘大令同  
赴海昌流連市月燕飲唱酬維時順德張榮巢司馬

青

還任東防同知招集聽潮吟館餐菊以夕餐秋菊之落

英分韻賦詩又餘姚朱少仙學博招集學舍之繞竹山

房又偕少仙自州城近游至馬橋馬笙谷舍人邀集古

芸齋信宿馬兩如部郎

式鑑

招集春星帶草堂馬容海

光祿

汶

招集雲石山房各爲賦詩又爲笙谷題碧蘿仙

館圖爲容海題縹雲石卽吳將軍贈查伊璜孝廉

繼佐

故物

標按今在石門灣東之福嚴寺

最後至長安鎮朱紫爛舍人

蘇招

集盟蘭山館贈詩甚多舍人合編爲盟蘭唱酬集兩卷

椒畦爲作修川雅集圖又爲馬笙谷作小桐溪館圖蓋

以馬橋亦名小桐溪也

盟蘭唱酬集

二十三年戊寅五十六歲

元旦三跋明鈔甲子年校宋本茅亭客話又再跋壬申年所得殘宋本姚少監文集

記

五月借藝芸書舍汪氏宋本文苑英華

記

夏孟得會通館印正文苑英華纂要再跋於丁卯年所得宋本後又於六月初九日以借冰雪堂汪氏宋本校補宋本舊闕畢三跋

記標按葉菊裳師曰以蕘圃跋語相證冰雪堂卽藝芸家也

六月大盡日爲張訥庵跋明刻本賈浪仙長江集

記

秋借濂溪坊蔣氏毛藏元鈔本書經補遺以物主居奇

還之三跋於乙卯年得元鈔本後

續記

立秋後三日爲烏程陳新畬敘求古精舍金石圖

原圖敘

標按新畬名經又曰彙之自刻一印曰于乾隆五十八年正陽日生自號二亩主人蓋得商父癸父己二亩也曾摹象於所拓金文冊首嚴鐵橋爲之題曰二亩主人廿一歲小象莫子偲宋元本書經眼錄見考古圖葉首亦有二亩主人小象疑爲倪稻孫譌也

秋八月校舊鈔本湖山類藁

溫書  
隅錄

初冬四跋鈔本近事會元

續記

初冬得明人影宋鈔本春渚紀聞五跋於校宋本後

記

孟冬重雕嘉靖本周禮鄭注校刊成并埭札記跋記

周刻

禮原  
跋

二十四年己卯五十七歲

春爲張叔未檢廖瑩中世綵堂原刻本韓集定方銅鏡



字爲孟蜀韓文範

張叔未清儀閣題跋

初夏以重價從小讀書堆得日本舊鈔本論語集解索

翁廣平跋之

張月霄藏書志卷六

五月二十九日見何元朗所藏舊鈔塵史四跋於甲子

年所跋本後

記人

標按松江府志何良俊字元郎華亭人余藏高麗鈔本虞山小史有何傳云

少而篤學二十年不下樓有清森閣藏書四萬卷

秋獲見何元朗本塵史手校欽陽本上卽三跋舊鈔本

續記

秋三跋殘宋本姚少監文集

記

孟秋後敘新刊成宋本洪氏集驗方

原敘標按所刊尙有石韞玉敘無

年月未有乙丑八月願千里跋

秋七月爲沈十峯慈跋新刊綠窗遺藁并跋正譌字沈刊

緣窗遺藁後敘標按沈華亭人有古倪園所刊婦人

集如魚元機集薛濤詩楊太后宮詞皆有先生校跋者

也先生元機詩思圖刪詩注曰近沈綺

雲有唐宋三婦人集之刻皆出自予家

中秋五日跋新從顧抱冲家得舊鈔日本正平本論語

集解記

中秋日見周香嚴家舊鈔本五跋舊刻本崔豹古今注

後記續按跋後有先生七絕二首其一注云年年中

倪管二老吳不至蓋日中來言月蝕恐不明也七絕後

又跋云如梳此始虧也其後食之既且黑氣摩盪全無

中秋作月明秋思圖標按功甫小集卷四有題黃主政

卯中秋作是夜月蝕又獨學廬四稿有題黃紹武月

明秋思圖卷七絕二首又有和黃復翁閑坐二五律

八月晦日再跋甲戌年所得舊鈔本珩璜新論記

十月廿六日跋影宋鈔本書苑菁華記

十一月望日校新得周香嚴所藏校舊鈔本沈下賢文集

畢跋記跋略云校本乃從吳枚庵子晉齋處得時枚

庵已逝世矣記

季冬望後一日跋新得周香嚴舊刻本劉子記  
標按

語春初香嚴主人歿遺書分貯各房有目錄傳觀於外  
余遂檢向所見過者稍畱一二種惜年來力絀宋元舊  
刻散失殆盡區區舊刻又復思置之且賣書買書率補  
殊艱自笑兼自愧也又五月二十九日塵史跋云香嚴  
之歿已逾百日標藏有香嚴書目草本上  
皆注價值并圖記或即當日傳觀之本

二十五年庚辰五十八歲

見藍格舊鈔五卷本行極即校於甲子年所得舊鈔本

上跋記

記 按此後又一跋不載年月，中言近得是書，似此時所記末題見獨學人亦先生號也。

先生以與潘榕皋舍人暨歸珮珊女史疊韻唱酬之作

示石琢堂石和其韻，又聞先生入山探梅，再疊韻簡之。

獨學廬

四稿

秋以殘宋本會昌一品制集介何夢華歸常熟，陳子準

記 標按孫原湘天真閣集陳揆字子準諸生購古籍手自校勘，顧千里張月霄書目序子準天無子半生

心血徒供族人一賣，標按今潘鄭盦尚書刻稽瑞樓書目，即子準藏書目也。

中秋前一日再跋辛未年所得金孝章手鈔詩彙

記

中秋後一日跋舊鈔珩璜新論

記

秋九月二十七日跋新收舊鈔本張來儀文集十月四

日又跋十五日三跋

記

小春望後一日從杭州得殘鈔本陽春白雪卽跋於松

木場舟中記

小春二十九日借張訪庵校元本辛稼軒長短句臨何

孟倫本上畢跋記

小春下澣自杭歸於城南衛前書坊得明刻救民急務

錄

原跋

十月二十日以新得舊鈔虛靖真君集句曲外史雜詩

借道藏本真君集畢跋記

記

十二月東坡生日跋明刻本山窗餘藁并情人影鈔一

本越一日又跋

記

石琢堂和先生除夕七律一首

獨學廬四稿

道光元年辛巳五十九歲

刻顧梧生孝廉

鳳藻

夏小正集解成

原書後木記 按顧氏跋紀辛巳

夏五月庚戌朔係刊在傅木之後者每卷後有門人美鏐校字是卽先生之孫時顧館於先生家中也首有夏文憲敘卽顧之外兄也

跋明刊本揭文安公文粹

記

二日立春跋殘棉紙舊鈔十卷本呂衡州文集

記

二月見小讀書堆殘宋本說苑散在坊間借歸續校於

自校本上

記

三月跋新得香嚴書屋明刻本荆南唱和集

續記

三月跋新得周香嚴所藏活字本開元天寶遺事又取

壬申年所得明刻本校之卽跋於壬申本後四月朔又

跋記

四月朔訪周香嚴季子謝庵於水月亭

天寶遺事跋標按跋中云謝

庵出所著羣書綴拾相質萃元明以來人著述爲目錄之學者以續貴與經籍攷

孟夏望後二日跋新刊成袁刻傅崧卿本夏小正并附

校錄

原刻跋記

三月三日跋新得宋刻補鈔小畜集三十卷三月七日

先生挈眷赴杭舟中以新得宋刻補鈔本小畜集校舊

鈔本卽跋鈔本之後四月十日又跋端午日三跋

記

四月得宋本注解珞瑜子三命消息賦三卷校正李燕

陰陽三命二卷八月載生明跋記

記

秋八月見明刻寶祐四年登科錄因再跋校舊鈔本紹

與同年小錄記

夏有修蘇州府志之舉石竹堂潘文恭公主其事先先生  
與纂修之列因訪書赴常熟於八月二十一日泊舟西  
門之倉前天未明時夢見一空曠之所石潘二公凭一  
石几對坐作談詩狀聞七字句云不使閒情管落花醒  
後足成七絕一首及歸再用句中平韻衍之復得二首

屬陸鐵齋鼎畫夢詩前後二圖於重陽後十日裝成卷

以藏經紙作卷尾自書三詩於上并屬同人題詠焉原卷

跋語

按是卷今藏張叔鵬孝廉炳翔家一時和詩石

潘二先生外有吳玉松雲陳夢湘延桂吳棣花延琛吳

閱甫信申蔣賓嶠寅張詩塘吉安尤春樊典詩彭輩開

希鄭湯三史達題首為陶筠椒廣隸書鏡花水月四字

又按先生分纂得方外一

門見張詩塘題夢詩圖詩注



冬孟依道藏本校補脫譌本意林并跋記

冬見黑格條鈔本李羣玉方干詩集以價昂未收記

冬潘榕皋爲先生題人間希見書二種詩一題青樓集

題下注云元至正庚子四月旣望雪蓑釣隱誌堯圃云

雪蓑釣隱雲間夏伯和也三松堂續集

十月十日爲張月霄跋殘宋刻本續顏氏家訓記

十月下澣四日爲張子和孫伯元跋影宋本寶祐四年

萬年具注歷記

二年壬午六十歲

是年先生自號抱守老人記標按先生陽春白雪跋

意戲自號曰抱守老人

新刻珞瑤子三命消息賦成作詩示石琢堂石成長句

簡之

獨學廬四稿

先生以菜心餉石琢堂石賦詩奉謝

獨學廬四稿

作西泠春泛圖石琢堂題七古一首

獨學廬四稿

正月先生以石琢堂先生潘文恭公元和吳棣華廉訪

長洲吳靄人學士四人至虞山訪書唱和詩刊於士禮

居叢書之後題曰四元唱和集

潘文恭公思補齋筆記

正月十一日過胥門學士街書坊見鈔本汪水雲詩攜

歸手校乙卯六月所得本一過三跋之

記

二月初吉過臨舊校宋本李衛公文集及外集別集於

新得紅格明鈔本上二日而畢并跋於後

記

閏三月立夏前三日沈欽韓于先生校舊鈔本邵氏聞

見後錄上校誤

記

四月廿有五日何夢華從琴川來訪先生談次及鈔本陽春白雪事先生卽以舊藏元鈔本校庚辰年所得鈔本廿六日畢再跋庚辰本後廿七日又從元鈔本補鈔

三葉三跋之

記

仲夏見李子仙手臨顧澗蘋所錄惠松崖段若膺兩先生校定本廣韻擇其與姓氏有證佐及廣韻向未載其

姓者開補出一二摘錄于自輯廣韻姓氏攷上

廣韻姓氏攷原

彙跋 標按先生跋語中有云段李皆作古人澗蘋又交絕是先生於六十歲後不與澗蘋往還矣書係僅錄廣韻中姓氏似未成之書見於注卽亭先生箋中又按聊城楊氏海源閣所藏宋本與地廣記卽先生舊藏

者也有願淵蒞跋力持先生新刊札記之謬每稱彼而不稱名字且云吾願汪君據此之真顯彼之僞云云末題庚辰立秋前一日是早與先生絕交矣又張修闢潛邱年譜卷四云千里天性輕薄如平生師事之段懋堂一旦論學不合輒痛加詬厲無復弟子之禮懋堂至引顏黃門語以責之事具見經韻樓集中於總弗至交之李尙之其沒也又造作文字重相詆毀顧吳羹通政普述其事標按千里於三交而斷絕者今又得一人矣所謂造作文字相詆毀者聞尙之故後千里輒以人有于算四字又見百宋一廬賦初印樣本有願校字今俱刻正矣末有願題云蕘翁手寫有別趣但此君不曉楷法美哉猶有憾醉中記四十二字是亦輕詆之證

秋七月傳錄北山小集畢

標按原書本先生物已歸藝芸書舍辛巳年以修志事借

出鈔

跋記復錄一本于張月霄

記

秋七月借張氏愛日精廬舊鈔本皇朝文鑒還書之日

跋之命三孫美鎬書

記

中秋三日以刻本霏雪錄校舊鈔本多胡謚張文昭兩

跋命孫兒影寫足之越日晨起跋

記按歲稱壬子先生是時年三十無孫

兒影寫事如後六十年更非子當午之誤

除夕以元板國朝名臣事略歸他人記

三年癸未六十一歲

題讀未見書齋雅集書畫冊首四字曰樹猶如此

原冊

石琢堂爲先生題家藏船山太守寒山獨樹圖

獨學廬四稿

先生和石琢堂五柳園春日詩石琢堂又疊韻奉酬

廬四

稿

初五日再跋壬午春過臨校明鈔本李衛公文集

記

春收得貝澗香家書得淡生堂鈔本蘇天爵名臣事略

記

春送考崑山得宋刻唐人碧雲集李羣玉詩集以毛刻

碧雲集校之跋校本後

記

正月人日癸未跋殘鈔本李文饒文集十六卷

續記

春先生曾孫生其次孫飲魚茂才

美鏐

倩陶筠椒爲作

蘭徵圖以乞同人題詠

標開之查氏九日張蒔塘大滌山房集云潘榕皋有題詩曰露

蕊紛披整復斜謝庭蘭玉擅清華憑將陶令春風管雷作黃家及第花

又按飲魚室爲李氏名慧生字定之

工詩畫爲子仙孝廉蕭之女潘榕皋先生之詩弟子也

元夕後三日五跋校宋舊鈔本東京夢華錄時爲沈小

宛借去方送歸也

記

正月二十五日先生結問梅詩社之弟一集於尤春樊

興詩

家之延月舫同社者石琢堂彭葦間二公先生屬

陸鐵簫鼎畫問梅詩社圖冊同社人皆題詩於上原冊標

按此冊今藏於同郡吳穎芝蔭培探花家舊歸葉茗生先生後爲吳蓮夫先生重熙所得穎芝卽先生姪也冊中彭葦間詩自注云余移居城內甫十日春樊堯圖過訪往積善西院看梅因以問梅名社又云孫堂未共看梅而入社又云堯夫自製詩社吟箋按潘磨生先生詩社冊後跋云曩余見芑香胡君所摹梅社七賢圖爲堯圖黃先生孫堂石先生輩間彭先生春樊尤先生詩塘張先生族祖理齋公六人詩具見冊中其一則棣華吳先生也冊中獨無詩豈入社較後耶石梅孫渠冊後跋云先生沒於乙酉秋越戊子始與哲嗣同叔文孫飲魚定交不及見先生而其家藏曾一寓目卽詩社冊猶及視其全也自是晨夕過從兩家契好者三十年無間滄海橫流里社邱墟同叔父飲魚已前卒其家以投池死以疾病死殆不下二十人存者惟飲魚一孫十餘齡同丈一副曾孫纔數齡近聞其三代詩集皆在廟灣司墓者某姓家又獨學廬五稿有題問梅詩社圖詩其序云城西積善院有古梅一株數百年物也道光癸未仲春之月黃子堯圖偕尤春樊舍人彭葦間太守探梅至此乘興欲結問梅詩社邀予入社每月一會會必作詩其後士大夫歸田者相繼講苔岑之契則有

張大令詩塘朱贊善蘭友韓司寇桂船吳廉訪棣華潘  
農部理齋而董琴涵太守卓海帆京兆任吳門時皆來  
赴會乃義圃已先歸道山矣己丑夏哲嗣同叔出此圖  
見示益羨翁于初結社時所作撫今追昔不勝白社黃  
墟之感

仲春從汪閬源借乙亥年所歸東京夢華錄校新得殘

元本再跋

記

仲春以同邑施少谷

南金

手影鈔宋刻龐安常傷寒總

病論付梓成并埭札記跋後

原跋

標按先生跋語中有云刻洪氏集驗方之冬

余忽得一夢有人謂余何不再刻羅傷寒醒而異之遂  
商諸藝芸擬取舊藏宋本後歸汪氏者借鈔入刻藝芸  
不允讓鈔適少谷哲嗣稍香欣然  
輒贈其先人手澤付諸剞劂云云

二月十有六日先生舉行問梅詩社第二集於積善西

院先生賦五言古詩二十二韻

原冊

先生詩序云積善西院雖爲看玉蘭計



實則欲展謁忠介公墓也 又獨學廬四  
稿石琢堂是日有題問梅詩社七古一首

三月望日跋新從玉峯考棚汗筠齋書籍舖得翁南陔

杖手錄錢思復江月松風集十二卷 原書原跋 標按  
先生跋中云翁字

又張爲金侃亦陶之  
高足住東洞庭山

三月二十一日彭葦間招集先生及琢堂春樊於靜怡

書室爲問梅詩社弟三集先生疊六麻韻和葦間七律

二首春樊詩自注云時蕘夫葦間豪飲 原冊

三月廿八日琢堂招先生食尊羹卽爲問梅詩社弟四

集先生有七律二首 原冊

三月二十有六日吳玉松 雲招彭葦間陽興阿 達校蔣

賓岫 寅及先生舉弟三次五同年會蓋始自上年九月

也是日以可以遠眺望五字分韻先生得眺字成五古

一首

錢梅溪詠虎正雜誌彙本卷十錄吳玉松五同年會記

三月晦日瞿木夫爲先生題宋本朱慶餘集

記

四月初八與彭雅泉尤春樊石琢堂有入山訪僧之約

至期雨甚不果行遂小集花間草堂以賞雨茆屋四字

分韻

獨學廬四稿標按石琢堂得屋字成五言十二韻

四月十有三日跋新得明刊本西谿叢話

記

六月四日於郡廟前五柳居得明刻毛校本王建詩集

八卷

續記

石琢堂和先生秋懷詩及柳下花間之作

獨學廬四稿

秋社日先生及彭雅泉石琢堂集尤春樊舍人齋中賦

詩獨學廬  
四稿

秋校范石湖集記

秋七月先生病暑初愈中泚二日書估持顧氏試飲堂

席上輔談求售先生不在家越日取歸既望跋之八月

廿有五日期工重裝訖晨起又跋之記續 按跋云本  
書六十一番跋三

番估值五金以  
家刻書易之

七月下泚見毛子晉舊藏墨格竹紙鈔本碧雲集再校

於春時校本上又跋記

七月二十八日湖山風月主人借先生江月松風集并

增跋語原書原跋 標按主人不知何姓名押一圓印  
亦曰湖山風月主人其跋曰癸未七月廿有八

日從羹夫借觀晦日往瀆川省徐氏妹午後狂風大作  
泊西跨塘橋下投宿談氏越日仲秋朔歸往來舟中讀

竟按其語氣  
亦吾郡人也

八月朔日跋新得陳簡莊舊藏吳枚庵鈔校本長安志  
記

八月白露後一日跋所得舊鈔本湖山類橐  
記

八月十二日於臬轅西中有堂書坊得明本劉子新論

九月十八日重裝成跋  
記

九日石琢堂招先生及春樊葦間集五柳園先生登石

家淩波閣  
獨學廬四稿 標按淩波閣爲琢堂藏書處四稿中有淩波閣藏書目錄序

仲秋廿有二日秋社檢篋得辛酉年所集讀未見書齋

雅集書畫冊自跋於後云是日將赴弟八集詩社於延

月舫又跋云此冊之作在王洗馬巷弟一遷之新居雅

集在遷後之弟六年辛酉冬初也越歲壬戌冬季又遷於縣橋距今已二十二年回憶營堯圃於王洗馬巷所居之隙地廣蒔花木今屋已易主且隙地皆營室毫無疎散之趣當時所圖想維老樸臥柏紅椒荷菊花芙蓉雞冠草木同腐有深慨矣

原冊

六日午校畢跋記又屬張訥庵覆校之十九日畢二十五日又跋之

記

九月二十四日見明鈔吳都文粹再跋辛亥年所得校鈔本二十七日三跋十月十一日四跋

記

冬得顧秀雅藏鈔本珩璜新論

記

標按昭代名人尺牘小傳

嗣立字俠君

長洲人康熙壬辰特

賜

進士改庶吉士所居秀野草堂

冬十月十二日先生及春樊葦間其集吳玉松太守知

魚樂軒石琢堂未赴分韻徵詩

獨學廬四稿

仲冬月跋影宋本銅壺漏箭制度準齋心製几漏圖式

又校宋舊鈔本孟東野集畢跋記又跋新校元本東坡

樂府時已將元刻歸他人矣

記標按元刻初歸藝芸書舍後歸海源閣有兩家

書目可證今尚在楊氏也

仲冬長孫從坊間得舊鈔本絳雲樓書目手校一過

記

冬至前三日跋舊鈔本絳雲樓書目

記

冬至後三日跋校元舊鈔本國朝名臣事略

標按即春日所得淡

生堂本以元刻校之

四年甲申六十二歲

初四日跋校本封氏聞見記十卷

記續按跋未載月故列歲首

上元後三日以去冬所得顧秀野藏鈔本珩璜新論校

異同於甲戌年所得鈔本後跋記復跋秀野本後二月

二十有七日再跋并題二絕句

記標按跋中有云余老矣向有所見古書錄

之輯將所藏者為正編所見而未藏者為附編悉載諸

家藏書源流又元統元年題名錄跋云近假輯所見古

書錄自敘云編殘簡斷市希駿骨之來墨敝紙渝窺謂

豹斑之見跋無年月有竹汀跋在乙卯夏五則先生此

書早成矣標又按東湖叢記卷一記朱文公大同集

云吳門黃蕘圖讀未見書齋載元刻朱文公大同集一

卷云云是先生藏書舊有書目

兼有題解惜今不可得見也

仲春跋新校明鈔本李羣玉詩集春分後一日覆校訖

再跋

記標按先生跋此書中有云毛刻諸書動輒與

藏本互異即如八唐人集中此本以意分體統三

卷及後集五卷一例排比硬分為三卷

俾人不知就裏好古者固當如是耶

二月新得元鈔本樂府新編陽春白雪十卷跋之

楹書偶錄

春季見周香巖家殘宋刻禮記月令一篇以癸丑年所

跋校宋本禮記補校之再跋於校本後

記

孟夏跋新從碧鳳坊顧氏得影宋鈔十卷本張說之文

集

記 跋略云相傳顧氏書雖殘鱗片甲無一不精

四月先生命長孫美鑒手校明刻本潛夫論

記

四月先生約潘功甫游龍樹積善諸禪舍潘未果有詩

紀事見功甫小集卷九

四月二十三日先生舉行問梅詩社第十五集

原冊先生詩

敘云時彭大吾岡折贈家圃紅豆花予分贈三松老人有詩爲答得七言絕三首因思向日王忘庵曾因東禪僧贈花爲花寫影并題詩答之今三松已題詩予不可不寫影命三孫婦李慧生作畫乞同人題之體與韻俱



步三松子敘事共得四絕句 又詩自注云李  
慧生寫紅豆花一冊一軸各自出新意爲之

五月十有九日命三孫美鎬傳錄校宋舊鈔本孟東野  
集畢跋記

夏五望後三日尤春樊先生舉行問梅詩社弟十六集  
於延月舫時重裝周忠介公遺像同社各賦題句先生

成七律一首

原冊

夏至後三日先生舉問梅詩社弟十七集於琢堂先生

家先生成五古一首

原冊 按是集有張詩塘  
安吉次竹堂先生均詩

六月二十四日長洲吳玉松太守 雲招先生并張詩塘

至詩門外荷花塘觀荷先生以荷花生日是今朝用軾

軾體首唱四絕句同人咸爲和之

張詩塘大  
滌山房集

六月小盡日跋手校舊鈔本韓君平詩集五卷本錢考

功詩集十卷本

記

新秋跋舊鈔本鼓枹橐

記

七月二十六日跋影宋本增廣聖宋高僧詩選

記

閏七月朔日以十三洋得洪武刻元史節要張美和編

二冊又以十三洋得錢東澗鈔陶九成草莽私乘一冊

又以六洋四角得朱竹垞鈔美合集一冊又以二洋得

鈔本何太虛知非堂橐一冊是日卽跋知非堂橐及草

莽私乘後

記

閏月十三日跋鈔本得月樓書目

記

九月大盡日爲張笑川題八絕句於影寫金本蕭間老

人明秀集後

記

十二月校續宋中興編年通鑑

記

五年乙酉六十三歲

是年先生開滂喜園書籍舖襄事者爲懋堂老友

記按

書舖舊在元妙觀西有滂喜園售書價目帖載在烏程范白舫錯花笑頗雜筆中海甯查蕉垞光云此書已刻且白舫尙有感事詩一卷及先生詩及記事一則標惜未見刻本無從采入

石琢堂邀先生及春樊葦間同賞牡丹

獨學廬四稿

花朝前二日校宋本王右丞詩集畢跋記後一日跋影

鈔元本續宋中興編年資治通鑑後三日月望跋甲申

殘歲所校宋本山谷詞

記

夏日元和朱酉生先生

環

爲先生題宋槧本魚元機二

絕未寫入冊至丙戌二月二日補書并其夫人高湘筠

竹眉

兩絕句皆書冊後

原冊

孟夏月望日跋新影寫宋刊本三厯撮要

記

標按原跋略云數年

來塵賦盛傳于時遂有按籍以求者宋塵所存僅百一矣

望後一日新裝甲申秋從錢夢廬處得宋刻五十卷本

黃山谷大全集畢跋記

記

標按錢夢廬名天樹字仲嘉暴書雜記云平湖家夢廬翁

天樹為暗古籍

六月十二日先生招同人為山谷先生壽石琢堂與焉

獨學廬四稿

標按石琢堂有七古一首

七月先生子桐叔篆題同人分題咸宜女郎詩冊集編

原冊

七月七日先生爲桐叔邀集同時諸老集縣橋小隱學

耕堂爲吟社弟三集題爲宋廬所藏唐女郎魚元機詩

不限體韻與會者尤崧鎮格曉陸損之東維彭蘊章詠

義子相朱綬酉生陳彬華小松吳嘉淦清如褚逢椿仙根孫

義子相沈秉鈺式如潘習沂功甫吳根壽雲李一鳳

苞之及先生孫壽鳳桐叔美鎬飲魚先生集集中句成

七絕八首每首各注所指其一注七月七日弟三次集

同人題詠其二注吟社始於六月十二再會於六月廿

四今會已入新秋數日矣其三注是會潘功甫未及入

會爲先有詩二成在七月哉生明日其四注近沈綺雲

有唐宋三婦人集之刻皆出自余家爲魚集以宋板故

獨登百宋一廬賦其五注前會如南雅鳧香琴涵以及

木夫竹友

疑江字之誤

今皆爲京外官其六注前會如壽階

蔚堂子仙嫩雲今皆先後作古其七注此冊所貯錦囊  
用洞庭山人鈕匪石所贈古錦以製山人暮年落寞餬  
口四方故是冊反無隻字其八注予家百宋一廬中物  
按圖索駿幾爲一空惟此以予所鍾愛得以守之勿失  
此宋塵百一之珍也子孫其世守之勿爲豪家所奪時  
先生已病苦氣逆不順未能構思因集魚句末記云晨  
起坐百宋一廬之北窗是日先生又成一記書於冊  
中曰此上石章下銅鏡二者皆得諸顧子鑑泉初予欲  
購一長方印鑑泉因取黃壽山石章相示質頗佳上有

辟邪鈕惜已鑄成文曰生來瘦予雖不適用然篆出於  
喬昱手物以人重畱之以爲文玩可矣至於銅鏡本非  
所需鑑泉云是青銅鏡鑑之可見真面目亦遂畱之時  
予有琴川之行蓋爲往弔陳君子準也初一出門初三  
歸家三晝夜中勞頓傷感疲憊已極偶憇滂喜園中適  
有西城舊人過予門曰主翁今年七十五歲耶予甚異  
其言急問鏡曾磨否兒輩應曰磨矣取而鑒之形神瘦  
削頓改舊容意一生之肥瘠亦何關於人事而必有石  
章以爲先機之示兆又有銅鏡以爲對面之參觀始知  
一動一靜悉本天然矣或謂之曰子此行才三日耳有  
詩若干首得毋苦吟而疲乎予曰疲有精神何以肥爲

且曰生來瘦則疲者生來之機也予今年勵六十三歲耳而外人以爲七十五此一紀之壽天假吾以年矣夫何憂按此記後書壽鳳鈴印摹鏡美鐫書先生又自題

兩詩於上

原冊

七月七日先生自題魚集云再集同人於宋廬分題魚集一切情事並詳第二冊中予戲集集中句廿四首皆七言絕句鳳兒補集二首共得廿六首持示同人詫爲鉤心鬥角客有慙愚予者曰子心思萬竅玲瓏能更集二首以成二十八宿羅心胸可謂元精耿耿貫當中矣予曰特患無題不患無詩展卷見秋室學士詩集寫照妙墨猶存仙蹤已杳回憶吉祥弄中讀畫談詩曾幾何



時不勝室邇人遠之感因集賸句成詩卽錄于秋室札

後詩云雪遠寒峯想玉姿帶風楊柳認蛾眉憶君心似

西江水鏡在鸞飛話向誰原冊標按宋本魚元機集

此書於道光壬寅歸上海徐紫珊潤仁家至咸豐時徐

氏不能守轉歸長沙黃荷汀口口黃時爲蘇松兵備道

携歸湘中冊首有余秋室繪元機詩思圖詩集作蝴蝶

裝首葉與末葉字體粗細精惡不同冊後題詞甚多始

陳雲伯終徐紫珊共二十一家售者堅持義翁

千金不易之說不可問價錄名家題語歸之

七月十日先生病榻無聊惟以宋雕魚集展閱銷間因

仍集句成詩有詩製題前四首敘當日雅集之意兼及

雅集三人題旨在各首下後六首一敘宋塵觴詠之事

一敘魚集題詞之人餘敘舊題之人人各一詩卽當懷

舊之作其一注座中秋賦白門者共有八人此集卽爲

祖餞亦可其二注席上探花以爲諸君奪元之兆其三  
注三孫以詩獲雋游庠今科居然觀場倘得擲地聲金  
或冀仰天攀桂子時作非分之想其四注小松遭幽壽  
雲高尙皆未赴試其五注自道宋廬讌集之樂其六注  
歸佩珊夫人詞意甚妙三松女弟子也爲予代求之其  
七注南雅宦羈京闕曾任雲南學差乞假後旋赴補言  
事鐫級謫爲散仙其八注方米遠館北行又云方米久  
已賦閒今春就徐氏館買舟北上卽使明春得第而年  
已及周甲亦復何用我輩故交不勝惜別之心其九注  
云木夫久官湖南近始歸隱練川矣其十注春生因昆  
仲析居從老屋遷此與子同居處

原冊

七月十日之夜風雨大作先生夜眠不寐仍集魚集句  
遲明梳洗既畢佛堂香火亦竣事遂磨墨伸紙隨臥時  
所製題爲之寫畢詩不錄其一注卷中先有女史曹貞  
秀題句有楞伽山人同觀歟今墨槩已失耦而予近日  
又乞得昭文孫子瀟夫婦題句倘使墨槩見之定多傷  
感其二注沈綺雲墨槩夫人妹壻也曾覆刻此集甚精  
板歸松江古倪園今綺雲作古需此甚難或向其弟十  
峯求之間有得者其三注詠莪功甫來歲俱上春官定  
看遍長安花矣蓬山伊邇芙蓉鏡下及第此二君也其  
四注予幼子桐叔及子仙令郎苞之一以壽鳳名一以  
一鳳名今春小試俱未售不勝鳳兮鳳兮之感其五注

惕甫幼子子弟三壻也予嘗欲再會同人分題魚集并  
叔寶應其選乃不及待而去秋病歿大抵年少風流誤  
入煙花之隊臨歿以嗣雅堂彙廿五冊授其繼室曹左  
芬左芬堅守不輕示人聞近已刊行矣其六注此敘昨  
夜風雨不寐光景爲總結又附跋語曰午後風稍息時  
露日光一力從山中來作遣往展五峯墓并候山僧阻  
風雨宿庵中庵僧知予病特遣道人向孫家橋蕩中撈  
白花蓮蓬十隻貽予剝之色香味俱備可謂知情識趣  
之辛成和上矣秋清逸士手稿

七月中元前三日又跋是會期而未至者一人曹堉稼  
山也卽墨琴之姪井叔之表兄也故與予三兒尤稔胸

中頗多蘊蓄時作長篇大文以發揮之近應賀方伯選  
經濟文編之聘就館薇垣其不來者想公事倥傯也家  
住城西之谿上去楓江不遠矣三兒補集一首因手書  
之詩不錄又跋曰此書曾爲藝芸主人指名相索予曰畱  
此爲娛老之資雖千金不易也從此無有過而問焉者

七月二十一日海虞胡芑香駿聲爲先生寫鏡中影小

照魚元機詩思  
圖冊中原像

七月二十有六日得周香嚴舊藏殘宋本學齋佔畢復

跋於乙丑年校宋舊鈔本後

記標按此跋語云香嚴作古書多分散兒孫有不

愛此或并藉此先世寶藏聲名挾冊索重直獲利故肯  
贈人子亦重是故友物必勉力購之此時聊厭我欲聊  
盡我情耳安知我之兒孫不猶是耶  
後之視今亦猶今之視昔何獨於書

八月先生卒

標按大滌山房集有八月十八日彭詠義邀遊石湖時堯圃新逝卽席感賦次彭華

開韻五古之作先生是年七月二十六日尙題殘宋本學齋估畢跋則先生歿當在乙酉八月十八日之前七月二十六日之後二十二日內惜無從考定也又獨學廬四稿云秋八月微示疾遂不起當易質時神明不亂

潘西圃集卷一道光庚子曾有爲先生題問梅詩社圖詩時先生次子桐叔屬也西圃續集卷四題吳棣華問梅詩社長歌引曰吾吳問梅詩社舉自道光初始之者黃丈堯圃彭丈葦閒尤丈春樊余皆及見又卷四壬午爲先生元孫實甫望帖兄弟題先生鏡中影遺像如自題絕句之數並倣其體

又曰先生嘗數至三松堂與先大父先公劇談不離文

字結習而於宋槧書尤有酷耆園中唱和詩卽以宋槧  
魚元機集爲題

又曰像爲老友胡芑香所寫近遇望帖得重展是冊望  
帖爲芑香孫岫雲壻實甫之從弟也

又曰實甫持此冊來見其祖賦生余族姊壻也實甫兼  
祧祖飲魚余表姊壻也姊李定之爲子仙姑丈之女道  
光癸未飲魚以春陰詩見賞於周石芳學使賦未終卷  
卽蒙取錄

壬子浴佛日呂祖誕日同人爲尤榕疇七十先生幼子  
桐叔五十稱觴董幼棨繪園林初夏譙集圖

又曰曹稼山王井叔皆先生戚好高才不祿

按王井叔  
嘉祿間

堂記有有偕婦弟黃桐叔至城北亡冊中題詠諸君皆  
婦孺宮述哀是井叔爲先生壻也

先生小友彭文敬前身爲筆玉僧功甫家兄自言浮渡  
山蘿蔓峯是前生涅槃處

屠蘇小艸庵詩鈔梅影軒圖爲黃飲魚表兄作句云憔悴  
青衫直到今梅花林下少知音飛來太白樓頭月照  
著平生感舊情自注太白樓令祖堯圃先生舊藏書處  
也

先生題元機詩思圖冊敘曰前此黃文節公生日會於  
儀宋堂荷花生日立秋會於小焚蘆館今七月七日又  
會於縣橋小隱

標按此皆  
先生齋名

先生所居又有見復齋見元機詩思冊同人題語